



Qaqortoq, 4. april 2016

Inatsisartut suleriaasianni § 37 naapertorlugu Naalakkersuisunut imaattunik apequtissaqarpunga:

- 1. Mineralinik ujaasinermut ingerlatseqatigiiffiup GME'p 2. dec. 2015 børsnotererneqarnera ilanngunneqartoq, tassa niuertut aningaasarsiuteqartullu allat niueqatigiittarfiannut allatsinnera, taamatullu taamaasinerani Kuannersuarni ingerlassaq pillugu ingerlatseqatigiiffiup VVM-imut nalunaarut Naalakkersuisunut tunniutereersimagaa ilumoorpa?**
- 2. Apeqqummut 1.-mut akissut aappiuppat, taava suna pillugu VVM-imut nalunaarut Naalakkersuisuniit avammut saqqummiunneqanngila, imaluunniit tigusimanera pillugu nalunaaruteqartoqanngila?**
- 3. Maanna GME-p børsnotererneqarnermini Kuannersuarni ingerlassamut VVM-imik Naalakkersuisunut tunniussaqsarsimanerminik nalunaaruteqarneraniit qaammatit sisamat ingerlasimalerput. Naalakkersuisut VVM-imut naliliinissaannut soq piffissaq taamak annertutigisoq atorreqarpa?**
- 4. GME-p VVM-imik Naalakkersuisunut nalunaarutaani nunatsinni inatsisinut atuuttunut tungatillugu avatangiisit eqqarsaatigalugit eqquutsitsinissatigut unammilligassartaqarpa?**
- 5. Maanna ilisimaneqarpoq "Tunisassianik marloqiusamik atorreqartartunik avammut annissuinermik nakkutiginninneq pillugu Kalaallit Nunaannut inatsit" (imm. 106) Inatsisartunit upernaami ataatsimiinnermi suliarineqartinnagu Folketingimi oqaluuserineqassasoq. Inatsisissatut siunnersuutip taassuma Inatsisartuniit oqaluuserineqannginnerani Folketingimi oqaluuserineqarnissaanut Naalakkersuisut danskit naalakkersuisuinik isumaqatigiissuteqarsimasut ilumoorpa? – Akissut aappiuppat, soq tamanna akuerineqarpa? Pisap tuaviuunneqarnissaa patsisaava?**
- 6. Apeqqummi 5-mi akissut ilumoorpat Namminersorlutik Oqartussat inatsisaanni §17 imm. 2. unioqqutinneqarpoq, taannalu ima oqaasertaqarpoq. "Imm. 2. Danmarkimi naalakkersuisut inatsisissatut siunnersuutitik Kalaallit Nunaannuinnaq tunngasunik imaluunniit Kalaallit Nunaannut immikkut pingaarutilinnik aalajangersakkanik imallit Folketingimut saqqummiutsinnagit, Namminersorlutik Oqartussat oqaaseqaataat utaqqaartaassavaat."**
- 7. Taamatut siunnersuutip apeqqut 5-imi taaneqartup Inatsisartunit oqaluuserineqannginnerani Folketingimi oqaluuserineqarnissaa inissaminiippa aammalu pissuserissaarnerua?
(Inatsisartuni ilaasortaq Múte B. Egede, Inuit Ataqatigiit)**

Tunngavilersuut:

Børsnoterinngi 2. december 2015-meersoq ilanngunneqartoq naapertorlugu mineralinik ujaasinernut ingerlatseqatigiiffimmit GME-miit qaammatit sisamat matuma sionatigut VVM-i Naalakkersuisunut tunniunneqarpoq. GME-p Kuannersuarni ingerlassaa akerleriissutaasutut annertuumillu oqallisaasutut ilisimaneqarpoq inuiaqatigiinnilu politikkikkullu partiini avissaartuunermik nassataqarluni. Taamaattumik Naalakkersuisut VVM-imut nalunaarummut tunngatillugu maanna avammut tusarliussinissaat naatsorsuutigineqarsinnaavoq, tamannami Kuannersuarni ingerlassamut tunngatillugu oqallinnissamut pitsaanerusumik tunngavissaqartitsisinnaammat.

Ullut suliffiusut qulit iluanni apeqqutima akineqarnissaat kissaatigaara.